



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU STRANKE NOVOG PUTA

## SADRŽAJ

1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole. ....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE .....	5
5.1. NALAZI.....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke novog puta za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2014. godinu, utvrđeno je da je Stranka novog puta prekršila odredbe člana 5. stav (4) i člana 12. stav (1) i (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranka novog puta za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka novog puta nije ostvarila prihod, niti se finansirala iz kreditnog zaduženja, što je prikazano u narednoj tabeli:

<b>R/B</b>	<b>Izvori finansiranja</b>	<b>Iznos (KM)</b>	<b>Učešće u izvorima finansiranja (%)</b>
1.	Članarina	0,00	
2.	Prilozi fizičkih lica ( 3-a )	0,00	
3.	Prilozi pravnih lica ( 3-b )	0,00	
4.	Prihodi od imovine ( 3-c )	0,00	
5.	Prihodi od pr.lica ( 3-d )	0,00	
6.	Prihodi od poklona ( 3-e )	0,00	
7.	Prihodi iz budžeta ( 3-f )	0,00	
8.	Prihodi od propag. ( 3-g )	0,00	
9.	Ostali prihodi	0,00	
<b>I</b>	<b>Ukupni prihodi (1-9)</b>	<b>0,00</b>	
<b>II</b>	<b>Kreditno zaduženje kod banaka</b>	<b>0,00</b>	
	<b>Izvori finansiranja (I+II)</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke je Stranka novog puta. Skraćeni naziv stranke je SNP.

Stranka novog puta je Rješenjem Općinskog suda u Sarajevu, broj: 065-0-F1-14-000019 od 31.07.2014. godine upisana u registar političkih organizacija, sa sjedištem u Sarajevu, ulica Mis Irbina broj 26.

Lice ovlašteno za zastupanje stranke je Zemir Sinanović, predsjednik stranke.

Ovlašćeno lice za finansijske izvještaje je Zemir Sinanović.

Prema podacima iz godišnjeg finansijskog izvještaja za 2014. godinu, Stranka novog puta nema niže nivoe organizovanja.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke novog puta za 2014. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Stranke novog puta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Pregled i kontrola godišnjih finansijskih izvještaja Stranke novog puta obavlja se prvi put.

### 5. NALAZI I PREPORUKE REVIZIJE

#### 5.1. NALAZI

**a) Pregledom godišnjeg finansijskog izvještaja je utvrđeno da je Stranka novog puta prekršila odredbe člana 5. stav (4)<sup>1</sup> Zakona o finansiranju političkih stranaka.**

Stranka nije uspostavila evidenciju o nenovčanom prilogu koji je ostvaren korišćenjem poslovnog prostora, bez plaćanja zakupnine. Stranka novog puta bila je dužna da fizičkom licu koje je dalo prilog stranci, izda potvrdu o prijemu dobrovoljnog priloga i iznos priloga.

Time što nije uspostavila evidenciju o prilogu, stranka je prekršila odredbe člana 5. stav (4) Zakona o finansiranju političkih stranaka, te ne izdavanjem potvrde o primljenom prilogu i odredbe člana 6. stav (1) Pravilnika o godišnjim finansijskim izvještajima političkih stranaka.

**b) Pregledom godišnjeg finansijskog izvještaja utvrđeno je da je Stranka novog puta prekršila odredbe 12. stav (1)<sup>2</sup> i (3)<sup>3</sup> Zakona o finansiranju političkih stranaka.**

Uvidom u obrazac 3-e (nenovčane donacije i računi koje politička stranka nije imala obavezu platiti) finansijskog izvještaja, utvrđeno je da stranka nije navela ime zakupodavca poslovnog prostora<sup>4</sup>, što je suprotno odredbama člana 12. stav (1) i (3) Zakona o finansiranju političkih stranaka i člana 18. Pravilnika o godišnjim finansijskim izvještajima političkih stranaka.

---

<sup>1</sup> Politička partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

<sup>2</sup> Politička partija vodi evidenciju o svojim prihodima i rashodima. Politička partija je dužna da Centralnoj izbornoj komisiji BiH podnese finansijski izvještaj za svaku kalendarsku godinu.

<sup>3</sup> Do 31. marta naredne godine politička partija podnosi finansijski izvještaj u formi koju odobri Centralna izborna komisija BiH

<sup>4</sup> Ugovor o zakupu poslovnog prostora zaključen 01.08.2014. godine između ugovornih strana Ćosić Mirsada kao zakupodavca i Stranke novog puta kao zakupca koje su saglasne da se poslovni prostor ustupa bez naknade od 10.08.2014. godine.

## 5.2. PREPORUKE

*Preporučuje se Stranci novog puta da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da uspostavi evidenciju o priložima,*
- *da izdaje potvrde po prijemu priloga od fizičkih lica,*
- *da uspostavi adekvatne evidencije o prihodima i rashodima u svojim poslovnim knjigama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **Komentar:**

U ostavljenom roku, Stranka novog puta nije dostavila primjedbu na Preliminarni izvještaj o pregledu godišnjeg finansijskog izvještaja za 2014. godinu.

Pomoćnik revizora

Mr.sc. Goran Cicović

Šef Službe za reviziju

Mr. sc. Hasida Gušić